



ԹԵՄԱԿԱՆ ԿՅԱՆՔ

ԱՅՑԵԼՈՒԹՅՈՒՆ ԱԴՐԲԵՋԱՆԻ ՀԱՅՈՑ ԹԵՄ

1983 թվականի հունվարի 4—7 օրերին, Ս. Շննդյան տոների կապակցությամբ, վրահայոց թեմի առաջնորդ գերաշնորհ Ս. Գևորգ եպս. Սերայդարյանը, Ադրբեջանի հայոց թեմի առաջնորդական տեղապահ Ս. Անանիա վրդ. Արաբաջյանի և թեմական խորհրդի հրավերով, այցելեց Բաքու: Այս առիթով Ս. Գևորգ եպիսկոպոսին ողջեցում էին՝ Թբիլիսիի հայոց Ս. Գևորգ եկեղեցու գործադիր մարմնի նախագահ տիկին Ռուպաննա Մելքումյանը, Ս. Դավիթ քին. Ձելվեյանը և տիար Վիլլի Գրիգորյանը:

Հունվարի 4-ին, առավոտյան, Բաքվի երկաթուղային կայարանում Ս. Գևորգ եպիսկոպոսին և նրան ողջեցող անձանց դիմավորում և բարի գալուստ են մաղթում Ս. Անանիա վարդապետ Արաբաջյանը, Բաքվի հայոց Ս. Գրիգոր Լուսավորիչ եկեղեցու հոգևոր հովիվ Ս. Վարդան աբեղա Դիլանյանը, եկեղեցական խորհրդի նախագահ տիար Հրանտ Պետրոսյանը և մի խումբ հայ հավատացյալներ:

Նույն օրը, ժամը 12-ին, Ս. Գևորգ եպիսկոպոսը, ողջեցությամբ Ս. Անանիա վարդապետի, քաղաքավարական այցելություն է տալիս Ադրբեջանի Մինիստրների խորհրդի անդամներ կրոնական գործերի խորհրդի լիազոր տիար Աբդուլլա Ախադովին: Սրբապանը հարգելի լիազորին փոխանցում է Ամենայն Հայոց կաթողիկոս Ս. Ս. Վաչգեն Ա-ի ողջույնը:

Հունվարի 5-ին Ս. Գևորգ եպիսկոպոսը այցելում է մահմեդականների հոգևոր կենտրոն և ընդունվում Անդրկովկասի մուսուլմանների հոգևոր կենտրոնի մուֆթի Հաջի Իսմայիլ Ախմեդովի կողմից: Այնուհետև սրբապան հայրը այցելում է տեղի ռուս պրավոսլավ եկեղեցի և ընդունվում հոգևոր հովիվ Ս. Պավլին վարդապետի կողմից:

Նույն օրը, երեկոյան, Ս. Գևորգ եպիսկոպոսը Բաքվի հայոց Ս. Գրիգոր Լուսավորիչ եկեղեցում մասնակցում է Քրիստոսի Շննդյան և Աստվածահայտնության օրվա առիթով կատարվող ճրագալույցի ու պատարագին:

Պատարագիչն է Ս. Անանիա վրդ. Արաբաջյանը: «Հայր մեր»-ից առաջ ընթերցվում է Հայոց Հայրապետի Ս. Շննդյան տոնի առթիվ ուղարկած օրհնության գիրը: Ապա հավատացյալներին օրհնության խոսք է ուղղում Ս. Գևորգ եպիսկոպոսը:

Հաջորդ օրը, հունվարի 6-ի առավոտյան, Քրիստոսի Շննդյան և Աստվածահայտնության ու օրվա առթիվ Բաքվի հայոց եկեղեցում բազմաթիվ հավատացյալների ներկայությամբ ու պատարագ է մատուցում Ս. Գևորգ սրբապանը: «Հայր մեր»-ից առաջ քարոզում է Ս. Անանիա վարդապետը՝ «Քրիստոս ծնաւ և յայտնեցաւ» բնաբանով:

Ապա տեղի է ունենում Ջրօրհնեքի արարողությունը:

Նույն օրը, ժամը 16-ին, Ադրբեջանի հայոց թեմի թեմական խորհուրդը «Մոսկվա» հյուրանոցում, ի պատիվ Ս. Գևորգ եպիսկոպոսի և նրան ողջեցող անձանց, տալիս է պաշտոնական ձաջկերույթ, որին հրավիրվում են Բաքվի կրոնական համայնքների ներկայացուցիչներ, եկեղեցական խորհրդի գործադիր մարմնի անդամներ և պաշտոնական այլ անձինք:

ձաջկերույթին ներկա են լինում նաև Ադրբեջանական ՍՍՀ Մինիստրների խորհրդի անդամներ կրոնական գործերի լիազոր տիար Աբդուլլա Ախադովը և նրա տեղակալ տիար Սեմյոն Խլեպովը: Զաջկերույթի ընթացքում արտասանվում են ողջույնի և բարիգալստյան ջերմ խոսքեր, շնորհավորանքներ և բարեմաղթություններ Ս. Շննդյան տոնի առթիվ:

Հաջորդ օրը, հունվարի 7-ին, վրահայոց

թեմի պատվիրակությունը այցելում է Սուրահանի հնադարյան ատրուշանը:

Ժամը 15-ին Տ. Գևորգ եպիսկոպոսը հրաժեշտի այցելություն է տալիս կրոնական գործերի լիպոր Ա. Ախադովին և հայտնում նրան իր ջնդրակալությունը՝ աղբյուրանական հողի վրա վրահայոց թեմի պատվիրակության նկատմամբ ցուցաբերված ջերմ ընդունելության համար:

Նույն օրը, երեկոյան, պատվիրակությունը Տ. Գևորգ եպիսկոպոսի գլխավորությամբ մեկնում է Թբիլիսի:

ՉԵՌՆԱԴՐՈՒԹՅՈՒՆ ԼՈՆԴՈՆԻ ՀԱՅՈՑ ԵԿԵՂԵՑՈՒՄ

Հոկտեմբերի 17-ին, կիրակի օրը, Լոնդոնի հայոց Ս. Պետրոս եկեղեցում, ի ներկայության Լոնդոնի եկեղեցական Համայնքային խորհրդի ներկայացուցիչների և լոնդոնահայ բավարթիկ հավատացյալների, տեղի է ունեցել սարկավագների և դպիրների ձեռնադրություն՝ ձեռամբ Անգլիայի հայոց հայրապետական պատվիրակ և հոգևոր առաջնորդ Տ. Եղիշե եպիսկոպոս Կիպրյանի: Սարկավագ են ձեռնադրվել ուրարակիրներ Ստեփան Տեր-Պողոսյանը և Հրայր Տեմիրձյանը, իսկ դպրության չորս աստիճաններ են ստացել Ռուբեն Տիգրանյանը, Լևոն Ստեփանյանը, Սևան Ստեփանյանը, Շահեն Ուլունյանը,

Վահագն Որբերյանը, Շիրազ Վարդանյանը, Գառլո Տիանջյանը, Բաֆֆի Ուլունյանը, Նժդեհ Մանվելյանը և Արմեն Օվանեսյանը:

Երկար տարիներից ի վեր առաջին անգամն է, որ այսպիսի մի ուրախալի դեպք է պատահում լոնդոնահայ գաղութում: Ս. Պետրոս եկեղեցու բացման օրից առաջին անգամն են նրա կամարների տակ հնչում ձեռնադրության աղոթքներն ու շարականները: Տարիներ առաջ, երբ Ս. Պետրոս եկեղեցին հանձնվում էր հայ համայնքին, լոնդոնահայությունը այն վերցնում էր որպես ազգային եկեղեցի՝ բավարարելու մեծացող լոնդոնահայության հոգևոր պահանջները: Ոմանք գուցե ավելորդ էին համարում մի այդպիսի հսկայածավալ եկեղեցու ստանձնումը: Եկեղեցին եկեղեցի է որպես ապրող ու գործող ժողովուրդ՝ համայնք: Կատարված սարկավագական ձեռնադրությունը և դպրության աստիճանի տվչությունը գալիս է հաստատելու, որ լոնդոնահայ համայնքը հետաքրքրվում է իր եկեղեցով, սիրում է այն և պատրաստ է ծառայելու, կոհաբերություն անելու իր եկեղեցուն՝ քաջ գիտակցելով Հայ եկեղեցու անհրաժեշտությունը ամուր հավատքով և ազգային գիտակցությամբ մեծացող նոր սերունդ պատրաստելու համար:

Ստեփան և Հրայր սարկավագները երկար տարիներ ծառայել են Հայ եկեղեցուն կիսաբաժնի գաղութում: Տեղափոխվելով Լոնդոն՝



Մի պահ սարկավագական ձեռնադրությունից

երկար տարիներ նրանք նույն սիրով ու նվիրումով մատուցել են նույն ծառայությունը Ս. Սարգիս և Ս. Պետրոս եկեղեցիներում:

«Էջմիածին» ամսագրի խմբագրությունը ջնդիրավորում է նրանց սարկավագական ձեռնադրությունը և մաղթում, որ նրանք հետ այսու առավել նվիրումով ու գիտակցությամբ շարունակեն իրենց աշխատանքը ի մխիթարություն հայ հավատավոր հոգիների, օրինակ ծառայելով հատկապես այն մատաղ հայորդիներին, որոնք ստանալով դպրության աստիճանը՝ իրենց առաջին քայլերն են անում հայ հավատքի տաճարից ներս:

ՆՈՐԱԿԱՆՈՒՅՅ ԵԿԵՂԵՑՈՒ ՕԾՈՒՄ
ՖՐԱՆՍԻՍԿԻ ՀԱՅՈՑ ԹԵՄՈՒՄ

«Եկայք շինեցաք սուրբ վիտրանն լուսոյ, Բնագի ի սմա ծագեաց մեզ լոյս»... Բոլորովին վերջերս, հայրենի հողից կղերված մի բուռ հայեր հեռավոր Ֆրանսիայի Ռոն Ալպ շրջանի Պոն դը Շերի քաղաքում կառուցել են հայկական ճարտարապետական ոճով մի հոյակերտ եկեղեցի, որը կոչվել է Սուրբ Նշան անունով:

Ուխտի ու բերկրանքի օր է եղել նոյեմբերի 7-ը Լիոնի և նրա շրջակայքի հայության համար: Այդ օրը Ս. Նշան նորակառույց եկե-

ղեցու բակում հավաքվել են մեծ թվով հայեր՝ ներկա լինելու եկեղեցու նավակատիքի և օծման արարողությանը:

Առավոտյան ժամը 10-ին տեղի է ունեցել եկեղեցու «Դռնբացեք»-ի արարողությունը, որն ուղեկցվել է «Բաց մեզ, Տեր, պոռտն ուղորմութեան» շարականի երգեցողությամբ և հավուր պատշաճի աղոթքների ընթերցմամբ: Այնուհետև կատարվել է սրբալույս մյուռնով եկեղեցու խորանի և ութ պուրների օծումը:

Արարողությանը նախագահել է Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ Ս. Սերովբե արքեպիսկոպոս Մանուկյանը:

Արարողությանը մասնակցել են նաև հայրապետական պատվիրակի Փարիզի փոխանորդ Ս. Գյուտ եպս. Նագաշյանը, Մարսելի փոխանորդ Ս. Հակոբ եպս. Վարդանյանը, Լիոնի փոխանորդ Ս. Նորվան եպս. Չաքարյանը և քահանայից դասը:

Քույր եկեղեցիներից արարողությանը ներկա են եղել Լիոնի հունաց առաջնորդ Ս. Վլասիոս եպիսկոպոսը և Լիոնի արքեպիսկոպոս Դը Քուրթեի ներկայացուցիչ հայր Կեմանը, ինչպես նաև հայ կաթողիկե համայնքի ներկայացուցիչ Ս. Հովսեփ վրդ. Լևոնյանը և ավետարանական համայնքի ներկայացուցիչ վերապատվելի Ռընե Լևոնյանը:



Մի պահ եկեղեցու օծման արարողությունից



Պոն դը Շերիի նորակառույց Ս. Նշան եկեղեցին

Արարողությանը հրավիրվել են նաև Ազգային ժողովի նախագահ Լուի Մերմալը, շրջանի քաղաքապետները և պաշտոնական այլ անձինք:

Եկեղեցու օծման սրբազան արարողությունից հետո մատուցվել է անդրանիկ ս. պատարագը, որի ընթացքում բազմաթիվ հայ հավատացյալներ հաղորդություն են ստացել: Օրվա պատարագիցն է եղել Ս. Սերովբե արքեպիսկոպոս Մանուկյանը:

«Հայր մեր»-ից առաջ պատարագից սրբազան հայրը նախ կարդացել է Նորին Սրբություն Ս. Ս. Վազգեն Ա Ամենայն Հայոց Վեհափառ Հայրապետի ջնորհավորական հեռագիրը, ապա արտասանել է ոգեշունչ մի քարոզ: Նա մասնավորապես շեշտել է. «Եկեղեցաշինությունը հայուն նկարագրին անբաժան մեկ մասը եղած է: Իսկ եկեղեցիներն ու անոնց կից կառուցված վանքերը եղած են ոչ միայն աղոթավայրեր, այլև գիտության և ուսումի կարևոր կեդրոններ: Մեզի շատ բան պակսած է. պակսած է հաց, հող բայց մեկ բան բնավ չէ պակսած՝ մեր հավատքը»: Քարոզից սրբազանն այնուհետև անդրադարձել է եկեղեցու գլխավոր բարերար տիար ձիարայել Պահատուրյանի եկեղեցաշեն գործունեությանը՝ բարձր գնահատելով նրա եր-

կարամյա ազգօգուտ ծառայությունը և մաղթելով նրան արևոտ երկար տարիներ:

Պատարագից հետո եկեղեցուն կից «Պահատուրեան» սրահում ներկաների համար կազմակերպվել է հյուրասիրություն, որն անցել է շատ ջերմ ու հայաշունչ մթնոլորտում: Հյուրասիրության ընթացքում, հանուն Ս. Նշան եկեղեցու կառուցման հանձնախմբի, ելույթ է ունեցել նախագահ Արիս Խաչատուրյանը և ջնորհակալություն հայտնել բոլոր նրանց, ովքեր սպտար են հանդիսացել եկեղեցու կառուցմանը:

Այնուհետև խոսք է առել Լիոնի և համայն Ռոն Ալպի հոգևոր առաջնորդ Ս. Նորվան եպս. Չաքարյանը, որը մասնավորապես նշել է.

«Եկեղեցին որքան ալ գեղեցիկ կառուցված ըլլա, կմնա պարզ քար, պարզ սյուն, պարզ մարմին, եթե երբեք պակսի կենսականը, այսինքն՝ հոգին: Ուրեմն շունչ տանք այս կամարներուն, արժևորենք մենք մեզ, վերանորոգենք մեր հավատքը՝ ամեն առիթի հստակեցնելով այս կառույցը»:

Գեղեցիկ այս ընդունելությունը ավարտվել է Ս. Սերովբե արքեպիսկոպոս Մանուկյանի եպրափակիչ խոսքով ու գոհաբանական աղոթքով: